

Žuodē tavēj...

Kuokėj žuodē!
Kāp gervēs par dongo,
Kāp rožončiaus karuolē
Muotinas ronkuos,
Opelēs sobieg
I šērdēis rūmus,
Kartās parklopda,
Kartās ontmet karūna,
Kartās kāp poukā
Pakēlst i vēršo,
Būn, ka pajoudēn
Joudiausēs pēišas,
Būn, bieг nēpaēlsdamē,
Parpoldamē ē kēldamē,
Draugou ronka ēštēisdamē,
Vēlti ēdoudamē...
Kētē pasalūnēškā,
Lapās apkrētē,
Kiauksnuo kāp lapē,
Nuoriedamē ētēktē.
Lek žuodē ēšsprūdē
Pakalniou, i kalna,
Ont mētrē rēstūna
Ē prašmatniamē balnē,
Ēr tēi, paišēnējē,
Ēr tēi, kor īr romstis,
Par onkstēj nomērē
A gēmē par onkstēj,
Ištartē vāka,
Paaugosē lūpuom,

Tīle ožgesē
Mērštont senokou,
Omžems lēkē gīventē
Dainuo, kor dainousem,
Mamas luopšēnie,
Gimtinie brongiausiu...
Klaupous aš pri žuodiu,
Ka galietiuo palētē,
Kāp daržieli ravietē
Ēr tavēj ēteiktē...

(2015 metā)